

Broj: 03-32-3-50-3/24
Sarajevo, 17.04.2024. godine

**OPĆINE/GRADOVI U FEDERACIJI BOSNE I HERCEGOVINE
OPĆINE/GRADOVI U REPUBLICI SRPSKOJ
DISTRIFT BRČKO**

n/r načelnici/gradonačelnici

PREDMET: Obavještenje, dostavlja se

Poštovani,

Federalno ministarstvo raseljenih osoba i izbjeglica objavilo je Javni poziv za podršku zapošljavanju povratnika u organima javne uprave, javnim ustanovama i javnim preduzećima, na prostoru entiteta Republika Srpska, Brčko Distrikt Bosne i Hercegovine i entiteta Federacija Bosne i Hercegovine za područja srednje razvijenih, nerazvijenih i izrazito nerazvijenih općina i gradova, broj: 03-32-3-50-1/24 od 15.04.2024. godine.

Cilj Javnog poziva je pružiti podršku zapošljavanju povratnika koji spadaju u manjinski zastupljene populacije u javnom sektoru na lokalnom ili regionalnom nivou, čime će se omogućiti povećanje zastupljenosti ovih kategorija u organima javne uprave, javnim ustanovama i javnim preduzećima, a sve u skladu sa obavezama iz Aneksa VII Općeg okvirnog sporazuma za mir u Bosni i Hercegovini, te stvoriti bolji uslovi za održivi povratak i zadržavanje mladih kadrova u Bosni i Hercegovini. Ministarstvo će poslodavcima koji budu odabrani u skladu sa ovim Javnim pozivom, onima koji izvrše zapošljavanje najmanje jednog povratnika na neodređeno vrijeme, jednokratno uplatiti sredstva u visini od 70% od iznosa predviđenog za isplatu plata i obaveznih poreza i doprinosa (bruto iznos) za period od 12 mjeseci a prema obračunu prve plate uposlenog povratnika. Javni poziv ostaje otvoren do utroška planiranih sredstava, a najkasnije do 30.11.2024. godine.

Tekst Javnog poziva sa pratećim obrascima možete preuzeti na slijedećem linku: <https://fmroi.gov.ba/javni-poziv-za-podrsku-zaposljavanju-povratnika-u-organima-javne-uprave-javnim-ustanovama-i-javnim-preduzecima-na-prostoru-entiteta-republika-srpska-brcko-distrikta-bosne-i-hercegovine-i-entiteta-f-2/>.

Molimo Vas da ovu obavijest dostavite javnim ustanovama, preduzećima i ostalim subjektima čiji ste osnivač ili onima koji djeluju na području vaše lokalne zajednice za koje smatrate da su zainteresovani za navedeni program.

Hvala Vam na susretljivosti i spremnosti za učešće u projektima kojima pružamo podršku povratničkoj populaciji mlađe životne dobi.

S poštovanjem,

PO OVLAŠTENJU MINISTRA
POMOĆNIK MINISTRA

mr. Nisvet Mujanović

Dostaviti:

1. Naslovu,
2. Sektoru za razvojne projekte održivosti povratka,
3. a/a.